

**P**yetjet që  
**H**asen më  
**S**hpesh

## Sistemi i Vlerësimit Shkollor të Pensilvanisë Vlerësimi në lëndët e Leximit dhe Matematikës Për Klasat 3-8 dhe 11 Periudha Mars 2009 Informacion për Prindërit/Kujdestarët



### **Cilat shkolla marrin pjesë në vlerësimet për lëndët e leximit dhe matematikës?**

Të gjitha shkollat e drejtorisë arsimore marrin pjesë në testimet e vlerësimit për lëndët e leximit dhe matematikës. Shkollat jopublike dhe private gjithashtu mund të marrin pjesë mbi baza vullnetare.

### **Cilët nxënës i nënshtrohen këtij vlerësimi?**

Të gjithë nxënësit në klasat 3-8 dhe të klasës 11 do të përfshihen në këto vlerësime (përveç se nxënësve që përbushin disa kritere specifike).

### **Kur bëhen testimet për këto vlerësime?**

Vlerësimet planifikohen nga drejtoria arsimore për t'u mbajtur gjatë periudhës midis 16 Marsit deri në 27 Mars të vitit 2009.

### **Sa është kohëzgjatja e këtyre vlerësimeve?**

Kohëzgjatja e plotë e testimit në lëndët e leximit dhe matematikës është afërsisht nga gjashtë deri në shtatë orë. Drejtoria arsimore duhet t'ju informojë mbi planifikimin e datës së kryerjes së këtyre vlerësimeve.

### **Çfarë përfshihet në testet e vlerësimit?**

Çdo nxënës përfundon tre seksione me pyetje për secilin testim në lëndët e leximit dhe matematikës. Disa nga këto seksione me pyetje do të jenë të njëjta për të gjithë nxënësit dhe disa seksione do të konsistojnë me grupe ushtrimesh të ndryshme.

### **Çfarë lloje pyetjesh përfshihen në testimet e vlerësimit?**

Nxënësit u përgjigjen dy lloje pyetjesh: pyetje me zgjedhje (*multiple choice*) dhe pyetje që kërkojnë zhvillim/shpjegim (*open ended*). Në pyetjet me zgjedhje, përgjigja e saktë zgjidhet nga katër opsionet e paraqitura, ndërsa pyetjet me zhvillim kërkojnë nga nxënësit të shpjegojnë përgjigjet e tyre.

### **Si bëhet vlerësimi i pikëve për përgjigjet me shkrim të pyetjeve me zhvillim?**

Përgjigjet me shkrim për pyetjet me zhvillim në lëndët e leximit dhe matematikës bëhet nga vlerësues që janë trajnuar në zbatimin e një sistemi vlerësimi të paracaktuar më parë. Në lëndët e leximit dhe matematikës, pikët bazohen vetëm në përmbajtje. Drejtshkrimi dhe shenjat e pikësimit **nuk** përfshihen në procesin e sistemit të vlerësimit.

### **Kush vendos se çfarë duhet të testojë ky vlerësim?**

Grupe mësuesish nga të gjitha nivelet e arsimit në Pensilvani zgjedhin fushat e njohurive mbi të cilat do të bazohen këto vlerësime. Në këto grupe u përfshin mësues, metodist, drejtues të kurikulës dhe specialist të kolegjeve. Po këto grupe rishikuan, redaktuan dhe aprovuan pyetjet, të cilat u shkruan në përputhje me Shpjeguesit e Standardeve të Vlerësimit të Pensilvanisë.

### **Kush i administron testimet për këto vlerësime?**

Translation and Interpretation Services  
1/2009

Çdo shkollë zgjedh personin(at) e vet, të cilet do të administrojnë testin. Në shumicën e rasteve, këta janë mësuesit e shkollës, të cilët shpesh ndihmohen nga drejtori i shkollës ose një këshilltar drejtues i vlerësimeve.

### **Çfarë vlerësohet në lëndën e leximit?**

Vlerësimi në lëndën e leximit përfshin dy kategori kryesore që përmbledhin procesin e leximit. Nxënësit lexojnë një numër fragmentesh nga të dyja llojet e zhanreve, letërsi e mirëfilltë artistike dhe ajo fantastike shkencore dhe u përgjigjen pyetjeve rreth këtyre fragmenteve. Duke iu përgjigjur këtyre pyetjeve, nxënësit tregojnë aftësitë e tyre në leximin dhe kuptimin e fragmentit, si dhe në bërjen e analizave dhe interpretimin e një teksti artistik dhe fantastik shkencor.

### **Çfarë vlerësohet në lëndën e matematikës?**

Vlerësimi në lëndën e matematikës përfshin pesë kategori kryesore. Proporcioni i pyetjeve për secilën kategori ndryshon sipas klasave/viteve. Si pjesë e vlerësimit të kategorisë A, *Numrat dhe Operacionet me numra*, nxënësit u përgjigjen një seksioni të veçantë pyetjesh, në të cilën përdorimi i kalkulatorit **nuk** lejohet. Pyetjet që kërkojnë zhvillim/shpjegim, kërkojnë që nxënësit të tregojnë të gjithë punën matematikore (llogaritjet, grafikët, vizatimet e të tjera) dhe të shpjegojnë me shkrim të gjithë rrugën e zgjidhjes së problemit.

### **Si bëhet raportimi i rezultateve?**

Raportet e vlerësimit të testeve në lëndët e leximit dhe matematikës dërgohen në drejtorinë arsimore për t'u shpërndarë prindërve, mësuesve, këshilltarëve udhëheqës të këtyre testeve, si edhe drejtorëve. Shteti nuk merr ndonjë raport me emrat e individëve pjesëmarrës në testet e vlerësimit.

Rezultatet raportohen sipas shkollave, për arsye të analizave të planeve dhe programeve mësimore. Drejtorinë arsimore botojnë rezultatet e vlerësimit të testit PSSA për secilën shkollë. Shteti gjithashtu nxjerr të dhënat e vlerësimeve për çdo shkollë.

### **A mund t'i shikojnë prindërit rezultatet e vlerësimeve?**

Prindërit dhe kujdestarët mund të rishikojnë vlerësimet duke planifikuar një takim me koordinatorin e vlerësimeve të shkollës, me të arritur këto rezultate në shkollë. Kopje të vlerësimeve ose shënimet rreth pyetjeve nuk lejohet të dalin jashtë shkolle pa leje dhe gjithashtu midis palëve nënshkruhet një marrëveshje besimi.

Nëse, pasi është bërë rishikimi i vlerësimeve, prindërit, të cilët nuk do të duan që fëmija e tyre të marrë pjesë në testimet e vlerësimit të leximit dhe matematikës, për arsye besimi fetar, ata mund të dërgojnë një shënim me shkrim shefit të rajonit të drejtorisë arsimore, përpara se të fillojë administrimi i këtij vlerësimi, për të justifikuar mos pjesëmarrjen në këto vlerësime.

PSSA Reading and Math FAQ  
Albanian